



75

65
18-01-2016

Broj: 03-03-05-109/16
Sarajevo, 13.01.2016. godine

KANTON SARAJEVO
SLUŽBA ZA SKUPŠTINSKE POSLOVE

**PREDMET: Odgovor na zastupničko pitanje zastupnika Bjelak Nermina u vezi ubrzanja
sudske procedure konfiskovanih vozila u Kantonu Sarajevo i dodjele istih
Ministarstvu unutrašnjih poslova Kantona Sarajevo, dostavlja se -**

Na Devetoj redovnoj sjednici Skupštine Kantona Sarajevo, održanoj 21.12.2015. godine, u okviru tačke dnevnog reda "Zastupnička pitanja, inicijative i odgovori", zastupnik u Skupštini Kantona Sarajevo Nermin Bjelak postavio je zastupničko pitanje, koje glasi:

"Predlažem da se ubrza sudska procedura konfiskovanih vozila u Kantonu Sarajevo i da se ista dodjeli Ministarstvu unutrašnjih poslova Kantona Sarajevo na upotrebu, što bi bila značajna pomoć u njihovom radu."

Razmatrajući poslaničko pitanje zastupnika Bjelak Nermina, a smatrajući da se pitanje odnosi na postupak oduzimanja imovinske koristi pribavljene krivičnim djelom dajemo:

ODGOVOR:

Zakonom o oduzimanju nezakonito stečene imovine krivičnim djelom Federacije Bosne i Hercegovina ("Službene novine Federacije Bosne i Hercegovine", broj 71/14) u daljem tekstu: Zakon uređuju se uvjeti i postupak oduzimanja imovinske koristi pribavljene krivičnim djelom u Federaciji Bosne i Hercegovine, upravljanje privremeno i trajno oduzetom imovinom i osnivanje nadležnog organa za upravljanje oduzetom imovinom u Federaciji Bosne i Hercegovine.

U smislu navedenog, postupak se odnosi na: postupak utvrđivanja imovinske koristi pribavljene krivičnim djelom, postupak osiguranja oduzimanja imovinske koristi pribavljene krivičnim djelom i postupak izvršenja odluka o oduzimanju imovinske koristi pribavljene krivičnim djelom.

Imovinsku korist pribavljenju krivičnim djelom utvrđuje sud svojom presudom kojom je optuženi oglašen krivim. Presudu donosi sud na osnovu prijedloga za oduzimanje imovinske koristi pribavljene krivičnim djelom koji podnosi nadležni tužilac prilikom podizanja optužnice.

Presudom suda kojom se optuženi oglašava krivim se, također, utvrđuje:

- koje stvari ili prava predstavljaju imovinsku korist pribavljenu krivičnim djelom i njihovu novčanu protuvrijednost,
- da te stvari i prava postaju vlasništvo, odnosno imovina Federacije Bosne i Hercegovine,

- da optuženi ili povezane osobe moraju odmah predati Federaciji Bosne i Hercegovine određene stvari, odnosno na nju prenijeti određena prava, ako ona već nisu prešla na Federaciju Bosne i Hercegovine, ili isplatiti njihov novčani iznos koji je srazmjeran pribavljenoj imovinskoj koristi u roku 15 dana od dana pravomoćnosti presude,
- da se u javnim knjigama ili registrima koji se vode kod nadležnih organa izvrši upis prava vlasništva u korist Federacije Bosne i Hercegovine.

U cilju obavljanja poslova i provođenja mjera predviđenih Zakonom o oduzimanju nezakonito stečene imovine krivičnim djelom Federacije Bosne i Hercegovine osnovana je Federalna agencija za upravljanje oduzetom imovinom (u daljnjem tekstu: Agencija).

Agencija je nadležna za: upravljanje privremeno oduzetom i oduzetom imovinom po odredbama ovog i drugih zakona, provođenje analiza u području oduzimanja imovinske koristi pribavljene krivičnim djelom, stručnu edukaciju iz područja finansijskih istraga i oduzimanja imovinske koristi pribavljene krivičnim djelom, obavljanje i drugih poslova propisanih Zakonom.

Imajući u vidu naprijed navedeno, kao i odredbe Zakona o sudovima u Federaciji Bosne i Hercegovine kojima je propisano da su sudovi samostalni i nezavisni od zakonodavne i izvršne vlasti, svaki uticaj Ministarstva pravde i uprave Kantona Sarajevo na postupke koji se vode od strane organa, nebi bio primjeren.

S poštovanjem,

MINISTAR

Mario Nenadić

Dostaviti:

1. Službi za skupštinske poslove Kantona Sarajevo,
2. Stručnoj službi Vlade Kantona Sarajevo,
3. a/a.

